



**Javno preduzeće "ONSA" d.o.o. Sarajevo**  
- NADZORNI ODBOR -

Na osnovu člana 23. Statuta Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo ("Službene novine Kantona Sarajevo", broj: 34/23 i 46/24) i člana 8. Poslovnika o radu Nadzornog odbora Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo broj: 1791/25 od 25.09.2025. godine, Odluke o standardima i kriterijima za izbor i imenovanje članova Odbora za reviziju JP "ONSA" d.o.o. Sarajevo broj: 1393/26 od 24.06.2026. godine, Nadzorni odbor Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo *o b j a v l j u j e*:

## **JAVNI KONKURS**

za izbor i imenovanje predsjednika i dva člana Odbora za reviziju JP "ONSA" d.o.o. Sarajevo

### **I - Predmet Javnog konkursa**

- 1) Objavljuje se Javni konkurs za popunu upražnjenih pozicija predsjednika i dva člana Odbora za reviziju Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo (u daljem tekstu: JP "ONSA" d.o.o.).
- 2) Oglašavaju se sljedeće pozicije:
  - Predsjednik Odbora za reviziju 1 izvršilac
  - Član Odbora za reviziju 2 izvršioca

### **II - Opis nadležnosti Odbora za reviziju**

Odbor za reviziju Preduzeća nadležan je da:

- vrši reviziju finansijskog poslovanja Preduzeća i o utvrđenom stanju u roku od osam dana od dana okončane revizije dostavi izvještaj Skupštini i Nadzornom odboru Preduzeća,
- imenuje vanjskog revizora,
- razmatra godišnju studiju rizika i plan revizije u kojima su prikazane pojedinosti u pogledu rizičnih područja i revizija koja će se izvršiti, te osigurava da prijavljena pitanja budu bez odlaganja i na odgovarajući način korigovana,
- osigurava da interne kontrole u javnom preduzeću budu adekvatne i efikasne i da funkcionišu kako je predviđeno,
- dužan je svoje nadležnosti vršiti u skladu sa odredbama zakona i međunarodnim revizorskim standardima,
- imenuje vanjskog revizora,
- razmatra godišnju strategiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana,
- osigurava da interne kontrole u Preduzeću budu adekvatne i funkcioniraju kako je predviđeno,
- daje mišljenje Nadzornom odboru o finansijskim izvještajima na polugodišnjem i godišnjem nivou,
- daje mišljenje, a na prijedlog Uprave, o načinu raspodjele dobiti odnosno pokrića gubitaka,
- daje preporuke Upravi o uočenim nepravilnostima,
- podnosi Nadzornom odboru sažete mjesečne izvještaje o svojim aktivnostima,
- sačinjava izvještaj o svom radu za proteklu godinu i putem Nadzornog odbora isti podnijeti Skupštini preduzeća,



- donosi Poslovnik o radu Odbora za reviziju,
- obavlja i druge poslove u skladu sa zakonom.

### **III - Uslovi za izbor i imenovanje na pozicije predsjednika i dva člana Odbora za reviziju**

Kandidati za imenovanje na tražene pozicije moraju ispunjavati opće i posebne uslove. Opći uslovi za imenovanje:

1. Da je državljanin BiH,
2. Da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije,
3. Da se na njega ne odnosi član IX.1. Ustava Bosne i Hercegovine,
4. Da nije osuđivan za krivično djelo i privredni prijestup nespojiv sa dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
5. Da nije lice kojem je presudom suda zabranjeno obavljanje dužnosti u nadležnosti Odbora za reviziju,
6. Da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH,
7. Da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
8. Da nije član Nadzornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću,
9. Da nije stariji od 65 godina na dan imenovanja.

Posebni uslovi za imenovanje:

1. Kandidati koji se imenuju za predsjednika Odbora za reviziju treba da imaju:
  - visoku stručnu spremu ekonomskog smjera,
  - najmanje 5 godina radnog iskustva na poslovima finansija i računovodstva,
  - sertifikat ovlaštenog revizora.
2. Kandidati koji se imenuju za člana Odbora za reviziju treba da imaju:
  - visoku stručnu spremu ekonomskog ili pravnog smjera,
  - najmanje 5 godina radnog iskustva na poslovima VSS-a.

### **IV – Mandat**

- 1) Izbor i imenovanje predsjednika i članova Odbora za reviziju vrši se na mandatni period od 4 (četiri) godine, sa mogućnošću ponovnog imenovanja.
- 2) Predsjednik i članovi Odbora za reviziju imaju pravo na naknadu za rad u Odboru za reviziju koja je utvrđena posebnom odlukom Skupštine Preduzeća.

### **V – Potrebna dokumentacija**

Kandidati su dužni, uz potpisanu prijavu, u kojoj je potrebno navesti na koju se poziciju prijavljuju, priložiti i dokaze o ispunjenju općih i posebnih uslova u originalu ili ovjerene fotokopije, ne starije od 6 (šest) mjeseci i to:

1. Kraću biografiju, adresu i kontakt telefon,
2. Uvjerenje o državljanstvu (datum izdavanja ne stariji od 6 (šest) mjeseci),



**Javno preduzeće "ONSA" d.o.o. Sarajevo**  
- NADZORNI ODBOR -

3. Izvod iz matične knjige rođenih (datum izdavanja ne stariji od 6 (šest) mjeseci izuzev ako se radi o dokumentu neograničenog roka trajanja),
4. Izjava ovjerena od strane nadležnog općinskog organa, za kandidata, u kojoj je navedeno:
  - a. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije,
  - b. da se na njega ne odnosi član IX.1. Ustava Bosne i Hercegovine,
  - c. da nije osuđivan za krivično djelo i privredni prijestup nespojiv sa dužnošću odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
  - d. da nije lice kojem je presudom suda zabranjeno obavljanje dužnosti u nadležnosti Odbora za reviziju,
  - e. da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH,
  - f. da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
  - g. da nije član Nadzornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću,
5. Diploma o završenoj visokoj stručnoj spremi ekonomskog smjera (za kandidate za predsjednika Odbora za reviziju),
6. Diploma o završenoj visokoj stručnoj spremi pravnog ili ekonomskog smjera (za kandidate za člana Odbora za reviziju),
7. Dokaz o radnom iskustvu,
8. Izjava o davanju saglasnosti za obradu ličnih podataka u cilju provođenja Javnog konkursa.

**Napomena:** Dokumentacija koja se dostavlja neće se vraćati kandidatima koji su se prijavili na Javni konkurs.

## VI - Ostale napomene

- 1) Kandidati koji ispunjavaju opće i posebne uslove biće pozvani na intervju.
- 2) Kandidati koji budu pozvani na intervju dužni su, prije intervjua, dati podatke o ranijim poslodavcima, odnosno neposrednim rukovodiocima od kojih se mogu dobiti preporuke i informacije o kandidatu.
- 3) Kandidati koji budu pozvani na intervju, dužni su u toku njegovog trajanja popuniti obrazac u kome su dužni iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.
- 4) Na osnovu provjere kvalifikacija i iskustva prijavljenih kandidata i obavljenog intervjua Komisija za provođenje postupka izbora i imenovanja kandidata na upražnjene pozicije predsjednika i članova Odbora za reviziju, putem pisane preporuke predložit će rang listu sa najboljim kandidatima na dalji postupak Nadzornom odboru.
- 5) Odluku o imenovanju članova Odbora za reviziju donosi Skupština JP "ONSA" d.o.o. Sarajevo na prijedlog Nadzornog odbora.
- 6) Konkurs za podnošenje prijave ostaje otvoren 15 (petnaest) dana od dana njegovog objavljivanja u "Službenim novinama Federacije BiH".
- 7) Konkurs će biti objavljen u "Službenim novinama Federacije BiH" i web-stranici JP "ONSA" d.o.o. Sarajevo. U Dnevničkim novinama "Oslobođenje" objavit će se skraćeni tekst konkursa.



**Javno preduzeće "ONSA" d.o.o. Sarajevo**  
**- NADZORNI ODBOR -**

Prijave sa traženom dokumentacijom podnose se isključivo poštom – preporučeno, na adresu:

**JP "ONSA" d.o.o. Sarajevo**  
**Bulevar Ivice Osima 23**  
**71000 Sarajevo**

sa naznakom:

**"Prijava na Javni konkurs za popunu upražnjenih pozicija  
predsjednika i dva člana Odbora za reviziju JP "ONSA" d.o.o. Sarajevo – za poziciju  
predsjednika i/ili člana (naznačiti)" – NE OTVARAJ.**

Neblagovremene, neuredne i nepotpune prijave neće se uzeti u razmatranje.

